



Nuuk 17. september 2010

Inatsisartut suleriaasiat § 36 immikkoortoq 1 naapertorlugu Naalackersuisunut imaattumik apeqquteqarniarpunga.

Naalackersuisunut Apeqqut:

Aasaq manna angutit inersimasut isikkamik arsarlutik Nuummi pissartanngorniunneranni avannaamiut holdinut sisamanut Air Greenlandip Nuummut utimullu angallasineranni, aningaasartuutit ukununnga qanoq annertutigippat?

1. **Orsussamut**
2. **Sulisunut**
3. **Mittarfinnullu akitsuutinut**

(Inatsisartuni ilaasortaqaq Malik Berthelsen, Siumut)

Tunngavilersuut:

Aasaq manna angutit inersimasut isikkamik arsarlutik pissartanngorniuttoqarneranut Kingmek`45 aamma Malamuk Qaarsuniit Nuummut utimullu kiisalu G-44 aamma N-48 Ilulissaniit Nuummut utimullu timmisartumik angalanerinnarminnut 654.970,56kr. aningaasartuutigivaat, aali Nunatta iluinnaani. Erseqqissaatigineqassaaq Qaarsunukarnerat Qeqertarsuarmiullu Ilulissanukarnerat najugaqarfimminnullu uternerat akimut ilaanngimmata.

Aki taamak qaffasitsigitillugu soorunami aperinngitsoorfiunngilaq sooq taamarsuaq angalaneq akisutiginersoq?

Eqqaamassavarput klub-it inersimasortaata angutit taamaallaat matumani pineqarmata. Arnartaasa, inuusortortaasa, meerartaasalu angalarsarnerat ilanngukkutsigit taamak akisutigisumik angalasarneq timersoqatigiiffinnut Kommuniullu oqimaatsorujussuuvoq nammaneqarsinnaananilu.

Assigiinngissut takutinniaannarlugu oqaatigissavara SAK-miit arsartut 20-it Sisimiuniit Lanzasotemut utimullu angalanerat taamaallaat akeqarmat 170.000kr., aali najugaqarneq ilanngutereerlugu.